



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliarvm Omnium Generalium Et Provincialium Collectio Regia

Ab anno MCCCCXXXVIII. ad annum MCCCCXL.

Parisiis, 1644

Avisamenta Dominorum Depvtatorvm De Modo Consedendi in hoc sacro
Concilio Ferrariensi.

urn:nbn:de:hbz:466:1-15490

ANNO
CHRISTI
1438.

dixit, assignata, ibidem publice alta & intelligibili voce, ac de verbo ad verbum perlegit ac publicauit, illaque & in eis contenta ad ipsorum reuerendorum patrum & dominorum plenam & indubitata notitiam, quantum in eo fuit, deduxit, exhortans patres & dominos prædictos, vt super auisamentis huiusmodi, quid super illis eis videbitur agendum, cogitare & deliberare vellent, ac in proxima futura celebranda & tenenda congregatione, prout inter eos fuerit deliberatum, dare vota sua.

Tenor vero auisamentorum de modo conſedendi in hoc ſacro Concilio, vnde ſupra fit mentio, ſequitur, & eſt talis.

A V I S A M E N T A D O M I N O R V M
D E P U T A T O R V M D E M O D O C O N S E D E N D I
in hoc ſacro Concilio Ferrarienſi.

NE occasione præcedendi vel ſubſequendi, ſeu ante vel poſt ſedendi in hoc ſacro Concilio, quod ad pacem totius populi Chriſtiani eſt congregatum, aliqua in poſterum oriatur contentio inter patres ratione Concilii congregatos; propterea auifarunt domini deputati, habito inter eos prius maturo conſilio, quod reuerendiſſimi domini cardinales, patriarchæ, archiepiſcopi, epiſcopique ſedeant ſecundum dignitates ſuas & ſecundum tempora ordinationis ipſorum; itaque in pari dignitate is alium in ſedendo antecedit, qui prior fuerat ordinatus, ſeu conſecratus, quatuor patriarchalibus ſedibus tantum exceptis, quæ iuxta iuris diſpoſitiones ſuum habeant locum, prout in antiquis & modernis Conciliis habere conſueuerunt: abbates vero generales, qui ſub ſe habent alios abbates, ſedeant immediate poſt epiſcopos & electos confirmatos, ſecundum tempus ſuæ benedictionis vel promotionis; ceteri vero abbates non generales ſedem habeant iuxta tempus ſuæ benedictionis vel ordinationis: prælati vero maiores, & maiores oratores regum & principum in eodem gradu & loco ſedendi præcedant ceteros prælatos non ambafiatores, dominis patriarchis dumtaxat exceptis, ſecundum prærogatiuam tamen dignitatis eorum regum & principum, quos in Concilio repræſentant: oratores autem non prælati, ſed inferiores epiſcopis, & laici etiam ordinis cuiuſcumque

Concil. Tom. 33.

M ij

federe debeant in naui inferioris ecclesie in medio ante gradus thalami vel tribunalis a dextris & a sinistris, secundum quod in aliis Conciliis sunt soliti federe: protonotarii autem, auditor contradictarum, & corrector, locum habeant quemadmodum in Conciliis aliis habuerunt, videlicet in primis superioribus gradibus thalami vel tribunalis, aut paulo altius, prout in nonnullis Conciliis obseruatum extitit. Si vero in loco Concilii, vel forte alibi praterderint se debere precedere archiepiscopos, episcopos, cum per ipsos archiepiscopos & episcopos, & plerumque alios contrarium asseratur, ne ex hac contentione aliqua suboriatur in Concilio discordia, sanctissimus dominus noster auditis quæ partes ambæ voluerint allegare, qui vnico contextu omnia eorum iura producant, vna cum sacro collegio dominorum cardinalium, quod iustum & rationabile fuerit, decernet. Generales vero ordinum mendicantium, oratores vniuersitatis studiorum, subdiaconi, auditores palatii, & auditor camera, clerici camera apostolica, aduocati consistoriales, procuratores episcoporum & prælatorum absentium, procuratores capitulorum, doctores & licentiati locum habeant prout in Constantiensi & Basileensi Conciliis habuerunt & tenuerunt. Et nihilo minus per sanctissimum dominum nostrum sacro approbante Concilio fiat decretum vel ordinatio, quod per antelationem vel postpositionem nulli ecclesie vel prælato, regi aut principi, seu communitati aliquod ius acquiratur, vel etiam præiudicium generetur.

Nu. XXVI. DE PROMOTORIBVS ET NOTARIIS
CONCILII.

ET quia non sufficit vnicus promotor in sacro Concilio, auisarunt domini deputati necesse fore vnum alium promotorem eligi debere per sanctissimum dominum nostrum, qui sit persona representationis & doctor, aut licentiatus in altero iurium, & in generalibus Conciliis versatus. Item quod deputentur duo notarii bonæ famæ, digni & experti in actibus conciliaribus, qui vna cum aliis duobus iam per dominum sanctæ crucis deputatis, scribant acta seu gesta Concilii, sintque rogati de his quæ in hoc sacro Concilio conciliariter fient & agentur, & non